

藝文

神道碑

元虞集慕公完先塋神道碑

至順辛未衛郡慕公完自叅議中書省事拜治書侍御史行臺江南且行來告於集曰完承祖父之教以有位於朝官正三品祖父皆有官封重維朝廷寵光之厚祖先積累之深弗克金石以表神道是無以報君親也子執筆太史忝在同朝幸有述焉旣行命其女之夫前翰林國史院應奉進士伯顏以其家世爵里之狀來謹按而錄之慕氏本衛輝府志

卷五十一

神道碑

三百九十

慕容後有所避去容易完系出隋西河府君一二藏至宋進士承直郎丹州宜令玃始顯玃之後曰憶憶生據及五郎據生津津生子曰完養子曰寧女二長贅周顯忠衛輝路判官次適高德全完三子瑾玠卒次瓚女三人次適尚恪寧及二子俱亡五郎生源源生子曰宥曰賓曰憲曰尚曰宣宥生福興賓生瑛琪女二適李世英瑛生鈞鐸鑑琪生錫憲生珍瑞瓊瑜女一人適張從政宣生珪此其世次也諱據府君事逸不傳贈加議大夫禮部尚書輕車都尉衛郡侯夫人馮氏贈燉煌郡夫人諱津府君字巨川自新鄉徙城以學稱推爲吏歲壬辰金亡率老稚五百餘口內附

年夏真定五路萬戶府倅知管補衛州提領案牘累授衛州等處提領至元十八年七月二日卒壽八十有六後以子完貴累贈加議大夫禮部尙書出輕車都尉追封燉煌郡侯夫人孟氏蔣氏皆追封燉煌夫人今贈集賢院侍講學士中奉大夫護軍衛郡公兩夫人皆衛郡夫人賓新鄉縣課稅官完繇憲司察院禮部史累官刑部尙書特進中奉大夫侍御史妻賈氏追贈衛郡夫人繼室李氏封衛郡夫人瓚前太常禮儀院太祝官此其官牒也衛之新中鄉貢賢里者慕氏之先塋也郡公侯之墓有表者繇完而貴者也完十三歲而孤家貧蔣氏夫人教之有法讀書以自

衛輝府志

卷五十一

神道碑

二

四百五十五

立慎重寡言笑及於貴者能聲在刑部重囚之讞必求所以生之時宰擅刑以作威獨不爲屈治獄平允寬明人咸服之所以能歷任顯要恩及祖父非偶然也集聞方金之亡國家之初有中原法令未周悉征調係於長吏之重輕郡公之仕不出於州里之間遂終其身其陰德必有過人者雖不獲見于傳聞觀于完之處慮行事亦足以見其爲德哉銘曰我瞻衛城其樹渠渠昔來臣附我居卜諸有籍有田有簡有書慎我奉行端我走趨保爾父子安爾室廬爾有加廕田有新舍似完撫綏司牧之勅來命于朝守官弗渝官之弗渝積惠亦如相在其室以冠紱履踐省歷臺論議謀訐讞囚

用寬謹此斷殊陰功其躬高蓋軒車歸視其家廟寢孔陰  
命服來錫印懸綬紆敬皇之墟先世所居赫然封君自伯  
公侯源泉濬浴其水于于神道有碑昭德之符至元二年  
夏五月吉日

元姚燧姚文獻公樞神道碑

姚公諱樞字公茂事世祖潛邸十年左右宸極十有九年  
居近密之地受尊崇之任可謂必世之久惟其不因富貴  
進退禮敬窮達一節不易塞士故不取耻當時明哲保身  
以薨元貞二年贈謚榮祿大夫少師文獻公至大三年追  
號嘉猷程世舊學功臣太師開府儀同三司魯國公謚仍  
衛輝府志

卷五十一

神道碑

三

五百廿八

其舊又推恩再世考仲宏贈太保儀同三司魯國康懿公  
祖錡銀青榮祿大夫大司徒魯國惠靖公妣張氏祖妣李  
氏皆魯國夫人公自稚弱一力於學書則經紀其家嚮晦  
則讀書夜分不輟魯國夫人恐傷耽苦每止之乃塞牕不  
使見燭就枕必盡三鼓自期甚高聞太宗詔學士十八人  
卽長春宮教之俾楊中書惟中監督則往依焉中書少公  
六年兄稱之與偕北觀時龍庭無漢人士夫帝喜其來甚  
重之乙未詔二太子南征俾公從繼拔德安得江漢先生  
趙復仁甫灑出程朱二子性理之書付公江漢至燕學徒  
從者百人北方經學自茲始歲辛丑賜錦衣金符以郎中

牙魯瓦赤行臺於燕時惟事貨賂天下諸侯競以培克入  
媚以公慕長必分及之乃一切拒絕人有以銀二笏來見  
既謝却乃出置氈簾間遣人追及與之遂攜家來輝懇荒  
雲門糞田數百畝修一水輪誅茅爲堂城中置私廟奉祀  
四世堂龕魯司寇容旁懸周兩程張邵司馬六君子像讀  
書其間衣冠莊肅以道學自鳴佳時則鳴琴百泉之上遁  
世而樂天若將終身又汲汲以化民成俗爲心自版小學  
書語孟或問家禮散之四方時先師許魏國文正公魯齋  
在魏出入經傳子史泛濫釋老下至醫卜筮兵刑貨殖水  
利算數靡所不究公過魏與寶漢卿相聚茅齋聽公言義

衛輝府志

卷五十一

禮道碑

四

四百五七

正粹先師遂造蘓門盡錄其數書以歸謂其徒曰曩所授  
受皆非今始聞進學之序若必欲相從當盡棄前習以從  
事於小學四書爲進德基不然當求他師衆皆曰惟先生  
命則魏國公由窮理致知反躬踐實爲世大儒者又公所  
梯接云歲庚戌盡室來輝相依以居會上在潛邸遣脫兀  
脫機平章趙璧驛至彰德恐公避逃脫兀脫留璧獨至輝  
以過客見審其爲公始致見徵之青公曰天下之人同是  
姓名何限恐使者誤徵不敢妄應璧曰汝非棄牙魯瓦赤  
隱此者乎公曰是則然矣璧曰良是乃偕往彰德受命遂  
行既至上大喜日客遇之久之詢及治道公爲書數千百

言首以二帝三王爲興之本爲治之叙與治國平天下之  
大經彙爲八目曰修自力學尊賢親親畏天愛民好善遠  
佞次及其救時之弊條三十文不具述上奇其才由是  
動必見詢使授太子經二年拜太子太師公曰皇太子未  
立安可先有太師還制中書改大司農四年拜中書左丞  
五年用兵襄陽立河南行省經理屯田以公僉省八年入  
覲十年拜昭文閣大學士詳定禮儀使十三年罷昭文館  
拜翰林院學士承旨仍詳定禮儀九月享廟拜文禮使公  
方奏事得疾忽蹠不能言帝急命從臣扶出登車至家未  
醒百日而愈後三年疾再至昏默三日薨壽七十八京師

衛輝府志

卷五十一

神道碑

五

四百五十八

士大夫哭祭如失親戚曰自今帝側圖回天下者豈復有  
斯人者耶時孤姪燧仕安西燉僉淮西提刑燁獨舉其柩  
藁葬京城東南別墅後十八年當元貞二年五月燁徒葬  
卜於西洛金門山祖塋別兆於輝菊山之陽公天資舍宏  
而仁恕恭敏而勤儉理生惟務本實不事末作未嘗疑人  
欺已有負其德亦不畱怨胸中他善衆多今惟表其大益  
新世者四其一倡鳴斯道使今天下鄉校童蒙之師猶以  
以小學四書爲先故中書左丞之制有曰德全天懿學得  
垂傳旨固有在於斯也再則中士士夫不知爲廟作主以  
幾先祀自公始歸人多化兵不血刃贊神武以不殺四十

人惟王氏先公卒繼宋氏後公七年卒公贈少師贈少師  
郡夫人及公國魯與宋氏顏氏李氏皆從封魯國夫人後公  
三十四年完顏亦不魯三夫人皆祔煒李出今中奉大夫  
河南北廉使其忠厚慎有克繼先烈之譽孫尚孩嗚呼  
燧生三歲而孤公躬翼之不知其蒙闇教督而急其成俾  
粗有聞承乏翰林復世公官恐公事業不能詳盡不敢干  
他詞臣故惟自述文不過華質不至俚而據其實焉耳矣  
銘曰惟天聰明視聽自民沃天子心啟莫匪臣舜察邇言  
曰吉禹拜稱聖萬世臣何與在粵若世祖方龍躍淵載牽  
微車遐蒐逸賢卽輝起之爰置左右授太子經事靡不叩  
衛輝府志

卷五十一

神道碑

六

四百五十七

公感一介盡其生平所學與知傾數惻誠書首八事修身  
以始賢親畏天愛民以次申以三十條救弊之方施治所  
宜如紀在綱上總兵民公請民去上受封國公擇地所上  
征南詔公陳邊劉上曰汝言吾行優優展也神武操既有  
要天下定一於時已兆移兵戍邊首蜀尾淮免夫春秋剽  
殺去來汴置經略秦以宣撫三年其民歌舞樂土治效若  
斯公於之時一出爲猷不無贊彌又從濟江內難方蹶危  
遄其歸大統入繼移昔已試施諸萬方帝思舊人台空用  
章公拜稽首元良未建臣何力有太師願先改爲大農尋  
拜左丞申以責難書存可徵南土旣平謚謀新國招文

不必首見及後聖相承言行其生沒爲法程謚以  
又進加功臣開府莫尊太師莫尊國魯哀榮若斯大事  
碑比其生全千祀可貽

誄文

宋顏延年陽給事瓚誄

惟永初三年十一月十一日宋故寧遠司馬濮陽太守彭  
城陽君卒嗚呼哀哉瓚少稟志節奮性忠果奉上以誠率  
下以方朝嘉其能故授以邊事永初之末佐守滑臺值國  
禍荐臻王略十合獯虜開農剽剝司兗幽并騎弩屯逼鞏  
洛列營繹戍望屠潰瓚奮其猛銳志不違難立乎將卒  
衛輝府志

卷五

誄文

七

四百〇八

之間以緝華裔之衆罷困相保堅守四旬上下力屈受陷  
勅寇士帥奔擾棄軍爭免而瓚誓命沈城佻身飛鏃兵盡  
器竭斃於旗下非夫貞壯之氣勇烈之志豈能臨敵引義  
以死殉節者哉景平之元朝廷聞而傷之有詔曰故寧遠  
司馬濮陽太守陽瓚滑臺之逼厲誠固守投命殉節在危  
無撓古之烈士無以加之可贈給事中振卹遺孤以慰存  
亡追寵旣彰人知慕節河汴之間有義風矣逮元嘉廓祚  
聖神紀物光昭茂緒旌錄舊勳苟有於貞孝者實事感於  
仁明末臣蒙固側聞至訓敢詢諸前典而爲之誄其辭曰

不常祐義

在暨賢

問忠壯之列宜自爾先舊勲雖廢邑氏遂傳惟邑及氏自  
溫徂陽孤續旣降晉族弗昌之子之生立續宋皇拳蒙沈  
毅溫敏肅良如彼竹柏負雪懷霜如彼駢駟配服驂衡邊  
兵喪律王略未恢函陝埋阻灑洛蒿萊朔馬東驚胡風南  
埃路無歸轄野有委骸帝圖斯艱簡兵授才實命陽子佐  
師危臺憬彼危臺在滑之坳周備是交鄭翟是爭昔惟華  
國今實邊亭憑幟結關負河繁城金柝夜警和門畫扇料  
敵壓難時維陽生涼冬氣勁塞外草衰邊矣獲虜乘障犯  
威馬驥橫厲霜鏑高聳軼我河縣俘我洛畿攢鋒成林投  
鞍爲圍翳翳窮壘嗷嗷羣悲師老變形地孤援濶卒無半  
衛輝府志

卷五十一 詩文

八

四百十二

菽馬實拊秣守未焚衝攻已濡褐烈烈陽子存困彌達勉慰  
瘼傷拊巡饑渴力雖可窮氣不可奪義立邊疆身經絳栝  
嗚呼哀哉賁父隕節魯人是志汧督效貞晉策攸記皇上  
嘉悼思存寵異於以贈之言登給事封爵紀庸恤孤表嗣  
嗟爾義士沒有餘喜嗚呼哀哉

祭文

北魏孝文帝弔比干文

維皇構遷中之元載歲御次乎闔茂望舒會於星紀十有  
四日日唯甲申予揚和淇右蹀駟鄴西指崧原而搖步順  
京途以啓征路歷商區韜屈衝壞泛日睇川縱覽觀陸家



何暇古跡游暇曩風烈殷比干之墓悵然悼懷焉乃命馭  
駟輪筴驥躬賜荆棘芾朽工爲緜莞而遺猷明密事若對  
德慨狂后之猖穢傷貞臣之婞節聊興其韻貽弔云爾

曰三才之肇元兮敷五靈以扶德含剛柔於金木兮資明  
闇於南北重離燿其炎暉兮會坎司玄以秉黑伊稟常之  
懷生兮昏睿遞其啓則晝皎皎其何朗兮夜幽幽而致微  
哲人昭昭而澄光兮狂夫黜黜其若翳咨堯舜之耿介兮  
何桀紂之猖敗沉酒而不知甲兮終惑已以貽戾譽譽兮  
比干藉胃兮殷宗含精兮誕粹竇樹兮英風稟蘭露以滌  
神滄藥英而儼容茹薜荔以蕩識佩江離而麗躬履霜以  
衛道府志

卷五十一 祭文

九

四百五十六

結冰兮宰審忠而彌濃千金豈其善珍兮皇輿資余所鍾  
奮誠諫而燼軀兮導危言以鑿鋒嗚呼哀哉嗚呼哀哉惟  
子在殷實爲梁棟外贊九功內徽辰共匡率衮職德音遐  
洞周師還旆非子誰貢否哉悖運遘此不辰三綱道沒七  
曜輝泯負乘竊器怠棄天倫懷誠齋怒讜言焉陳羸侯已  
醢子不見歟邢侯已脯子不聞歟微子去矣子不知歟箕  
子奴矣子不覺歟何其輕生一致斯歟何其愛義勇若歸  
歟遺體旣灰不其惜歟永矣無返不其痛歟嗚呼哀哉  
呼哀哉夫天地之長遠兮嗟人生短多殃往者子弗及  
來者子不履當何契淵之遠邈兮值昏化而永夏曷不

以卷舒兮徒委質而顛亡雖虛名空傳於千載詎何勳  
之可揚奚若騰魂以遠逝飛足而歸昌得比肩於尚父卒  
同協於周王建鴻績於盛辰啟肯宇於齊方聞穆音乎葛  
祀傳寃業以修長而乃自受茲斃視竅股辛剖心無補迷  
機喪身脫非武發對墓誰因嗚呼介士胡不我臣 重曰  
世惛惛而溷濁兮日藹藹其無光時坎廩而險隘兮氣燎  
颺以飛霜子奚其不遠逝兮乃侘傺而耻故鄉可乘桴以  
浮滄兮求蓬萊而爲糧銜芝條以昇虛兮與赤松而翱翔  
被芰荷之輕衣兮曳扶容之蒲裳循海波而溯颿兮望會  
稽以歸禹紉蕙芷以爲紳兮扈荃佩而容與寫鬱結於聖  
衛輝府志

卷五十一 祭文

十

四百五十六

人兮暢中心之秘語執垂蓋而談卡兮交良朋而據苦言  
旣盡而東騰兮吸朝霞而長舉登岷巖而悵望兮眺扶桑  
以停佇謁靈威以問路兮乘谷風而振宇遂假載於羲和  
兮憑六螭以南處翫衡岳而顧步兮濯沅湘以自潔嚼炎  
州之八桂兮踐九疑而遙裔卽蒼梧而宗舜兮拂埃露以  
就列採輕越而肅帶兮切寶犀以貫介訢淳風之淪覆兮  
詔簫韶之湮滅名熊羆而叙釋兮問重華之風桀爾乃飲  
正陽之精氣兮遊丹邱而明視捐祝融以求鳥兮御朱鸞  
以修指因景風而凌一八兮廻靈鵬以西履降黃帝而  
尙稼穡之艱難訪有叩之說說兮遇何主而獲安然後

崑崙之翠嶺兮擎瓊枝而盤桓步懸圃以漚澆兮咀玉英  
而折蘭歷崦嵫而一顧兮俯沐髮於洎盤仰徙倚於闔闔  
兮請帝闈而啟關天沈寥而廓落兮地寂寥而遼闊滄淪  
陰以裨氣兮珮瑤玕而鳴鏘拜招徠而修飾兮少躊躇以  
相羊祈騶虞而總轡兮隨泰風以飄揚蔽不周而左旋兮  
縱神翺以北望尋流沙而騁壘兮暨陽周以縲駕靡芸芳  
以馥體兮索夷杜而祇衛奉軒轅而陳辭兮申時俗之不  
暇適岐伯而脩命兮展力牧以問霸歎沆瀣之純粹兮闕  
寒門之層冰聆廣莫之颺瑟兮覲黔廩而廻凝撫玄武以  
滋虛兮允神寘而威陵象燮燧而瞻鬱兮途曼曼其難勝  
衛輝府志

卷五十一 祭文

十一

四百五

筵飛廉而前驅兮使燭龍以輝澄歸中樞而睇睨兮相立  
漠之已周慨飛魂之無寄兮颯翺袂而上浮引雄虹而登  
峻兮揚雲旗以軒遊躍八龍之蜿蜿兮振玉鸞之啾啾攀  
彗星以朗導兮委升輶乎大儀敖重陽之帝宮兮凝精魄  
於旋曦扈陽曜而靈脩兮豈傳說之足奇但至概之不悛  
兮寧溘死而不移

陳宣帝祭比干文

自獨夫肆虐天下崩離觀竅剖心固守臣節忠踰白日義  
概秋天羲皇以來一人而已見馬卿之賦恨不同時聞李  
牧之名願以爲將九原不作恨深千古聊仰薄祭君其饗

唐太宗祭比干文

維大唐貞觀十九年歲次乙巳二月己亥朔二十日戊午  
皇帝敬遣大府卿簫欽宗正少卿駙馬都尉長孫冲等持  
節以少牢之奠祭殷故少師比干之靈朕聞龍躍鳳翔必  
資鱗□□□御下必藉忠良元首股肱其道尚矣惟君誕  
靈山岳降德星辰苞金石以為心蘊松桂而為質不以夷  
險易操不以利害變□□□津之師挹高風而莫進朝歌  
之滅資至德而延期且道喪時昏奸邪並用暴君虐主正  
直難居是以江漢神龜殘形由於蘊□□□和璞碎質以

衛輝府志

卷五十一 祭文

主

四百二

其懷珍丹耀彩而磨肌翠含色而解羽驚風拂野迴樹先  
雕零雨被枝高花早墜良由佩奇銜美獨秀孤貞雖□□  
□亡詎能遣凶殘之累智周萬物不能離顛沛之艱然則  
大厦將崩非一木之能止天道去矣豈一賢之可全且天  
□過顯□□□惡忠臣之義也三諫不入奉身而退聖  
人之道也何必殉形於國以速商殷之亡剖心於朝以深  
獨夫之罪每懷此□□□□□奢觀朕斯言以為飾非  
拒諫智者明於此意當知惜善愛仁歎往哲之不追嗟後  
賢之未及然則犯顏色逆龍鱗奮不展□□□貳蹈斯  
節者罕有其人非知之難行之不易所以永懷千古駐駕

九原悽愴風煙靡尋餘跡荒涼邱隴有口名昔周武封  
口口表德姬文葬骨異世司臣雖今古殊途年代冥漠式  
遵故實爰贈太師清酌少牢以陳薄禮遊魂口口口口

嘉誠

宋司馬光奏龍廟祈雨文

昔者聖王設官分職畜擾神物以爲人用後世長業神實  
繼之知龍嗜慾服事夏后王嘉神勞胙以此土歲祀超忽  
廟貌仍存闔縣奔走春秋薦獻却災祈福保佑斯人今大  
夏將盡而歷時不雨穀苗稿死不可復殖倉廩無儲民將  
何恃民實神主神實民依百姓不粒誰供神役邑長有罪  
衛輝府志

卷一 辛 一 祭文

三

四百〇八

神當罰之百姓無辜神當愛之天有甘澤龍實司之以時  
宣施神實使之稿者以祭死者以生旱氣消除化爲豐登  
自邇及遠粢盛牲酒以承事神永永無斁伏惟尚饗  
明熹宗諭祭郭渭文

維天啟三年歲次癸亥三月辛卯朔越六日丙申皇帝遣  
河南等處承宣布政使司分守河北道右叅議蘇光泰諭  
祭原陞禮部右侍郎兼翰林院侍讀學士協理詹事府郭  
渭曰惟爾亮節通才清標偉識南宮射策中秘燃藜三長  
抽金匱之藏五色視鑿坡之草落登宮采鳳握文衡披石室  
以貢奇市金藁而得駿爰從端尹晉貳春卿拂衣既

東山夙駕復憂深北闕借籌邊塞志獨烈于吞胡易簪郊  
闕忠實餘於衰革有臣如此良軫予懷覽嗣子之陳情飭  
所司以示卹懣尊委奠特疏苑苑之榮馬鬣崇封永賁松  
楸之色英魂不昧渥典其歆

明屠瀟祭王襄敏公越文

夫士有敢論天下之事者蓋其中必有所主決於任天下  
之重者蓋其中必有所蓄是以九泥欲以封玉門今古不  
以之爲迂而長嘯適以却敵騎不戰乃爲之竄伏若吾黎  
陽太傅王公者其丰姿也燕領虎頭其文采也錦心綉腹  
其才氣也海漲江奔其膽畧也雷厲風肅吾常見其於天

衛輝府志

卷五

祭文

古

四百三十一

下之事燭照而枚筭信乎其計之也熟於天下之重負荷  
而乘載信乎其任之也篤年未強仕而官已三品曾不足  
爲公之榮積有年勞而奪之一日曾不足爲公之辱每飯  
不忘君曷常間於須臾束髮戰勅敵詎肯徂於縮訥於乎  
古所謂庸凡之民則衆之所同而所謂豪傑之士實公之  
所獨逮起而復用公於西陲也其不知者以爲公之此行  
急急於功名夫孰知公之此時年已逾七袞矣何爲待公  
之薄也而乃比之於庸庸與碌碌其知者以爲之此行汲  
汲於君命孰知公之自處殆允邁乎尋常之萬萬又何識  
公之淺也而乃比之於載質與執轡殊不知公之計之熟

者曾不以老年而或輟任之篤者曾不以小節而自局於  
乎舉世若公者幾何人哉功在社稷而特爲佯狂以混俗  
名滿海宇而特爲收斂若拘蹙及其慷慨論事敢談天之口  
指揮三軍躍躡螯之足以摧奸而必欲斷其頭以靖寇而  
必欲食其肉則萬夫莫敢於抗鋒九牛僅勝乎一掬於乎  
豪傑之士如公者舉世能幾何人哉而今則已矣痛矣罄  
荆揚之金不可鑄竭合浦之珠其可贖瀟等忝公之後進  
踵公之芳躅聞茲哀訃實攬心曲肴炙隻鷄芻蕘一束酒  
蒼生淚爲天下哭

國朝湯斌祭孫徵君文

衛輝府志

卷五十一 祭文

五

四百二十七

嗚呼道之在天下也如元氣之在人身彌綸磅礴上蟠而  
下際者小不遺乎日用而大即麗乎葵倫斯誠須臾不可  
離矣而胡真見而體備者之難其人卓哉先生維德之純博  
極造約窮理識真以孝弟爲盡性之基由忠恕爲達化之  
門當蚤年辨志定交江村析義利於秋毫等富貴於浮雲  
固已抗志聖賢之途溯涸涸之津及瑞燄肆虐禍逮清  
流不避虎狼力爲營救雖運數難回而天地正氣有所楮  
柱而長存推其本志固已視死生如旦暮而恬然無恙者  
以是知天之未喪夫斯文德盛道尊徵書歲頻衡門之間  
交車蒲輪而先生堅臥不起天下想望高風如泰山喬嶽

之嶙峋才本王佐而不用學爲帝師而無民天欲存斯人之命脉故畱碩果以至今晚年結廬百泉嘯臺行窩雲物一新兼山堂上彈琴鼓瑟曾無間乎晨昏四方學士負笈扼衣公卿牧守擁篲乞言而先生悉開導啟誨之懇懇家庭肅雍孝慈睦嫻薰蒸涵育而聞風興起者莫不油然而相親卽頑梗之夫澆薄之俗皆一變而敦厚醇醜又孰非先生之過化而存神道隆益謙業廣彌勤朝乾夕惕自強日新通達物我而不滯酬酢萬變而不紛融朱陸之同異與濂洛而爲隣隱顯無間體用渾淪想像其所至庶幾乎乾坤曰其消息造化合其屈伸凍解冰釋而湛然不動者

衛輝府志

卷五十一 祭文

六

四百四三

如天空月皎無纖微之埃塵此固與道爲體矣何尋常功業文章之足云某從遊十載提撕惟懃日出而譚至於夜分青燈白雪誨言諄諄方特爲斗杓之可依豈期天不憖遺而兩楹之兆遽聞嗚呼年屆期頤名垂後禩生願歿寧亦可無憾於蒼旻矣而獨是微言旣絕聖道荆棘異端日起雜學紛紜功利詞章之說惑於前而虛無寂滅之教誘於後更誰爲挽世風於旣靡疏長河於將堙今者窳窳在卽雞酒式陳音容依依而如在旨緒茫茫而莫尋傷儀型之永隔悲卒業之無因尙冀先生翼我冥冥之中俾無墮迷途勉策駑駘之力而上臻

